



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnaburgensis Ecclesiae, Ab Anno Christi
MDCXXVIII.**

Brogberen, Johannes

Coloniae Agrippinae, 1657

Decretvm XIV. De Synodico Cleri.

urn:nbn:de:hbz:466:1-14298

Camerar. Ioannes Busch, Pastor in Oestercappelen.

In Decanatu Grönenbergensi.

Decan. Hermannus Hoffhaus Pastor in Willingholthausen.

Camerar. Pater Henricus Frey, Societatis IESU, sacerdos & Vicecuratus in Melle.

In primario Embslandie Decanatu, cis Amasim fluvium.

Decan. Dominus Engelbertus Moseler, Commissarius Noster Generalis per Embslandiam, & Pastor in Hafelunen.

Camerar. Everhardus Ioannis, Pastor in Bocklo.

In Decanatu Embslandie secundo.

Decan. Albertus Abt, Ordinis S. Benedicti, & Pastor in Meppen.

Camerar. Ioannes Wesseling, Pastor in Haren.

In Decanatu Vechtenfi.

Decan. Ioannes Stockman, Pastor in Vechte.

Camerar. Ioannes Wasserman, Pastor in Languorden.

In Decanatu Cloppenburgerfi.

Decan. Gerhardus Covers, Pastor in Cloppenburg, & Vicarius Cathedralis Ecclesie Nostrae Osnabrugensis.

Camerar. Ioannes Brandt, Pastor in Essen.

In Decanatu Ritbergensi.

Decan. Engelbertus Steincamp, Pastor in Rittberg.

Camerar. Ioannes N. Pastor in Nienkercken districtus eiusdem.

DECRETUM X.

De Examinatoribus.

Hoc Decretum cum formula iurijurandi ab Examinatoribus praestiti habetur in Synodo quinta, fol. 311.

In hac vero Synodo, Examinatores de novo praeter Illustrissimae ac Reverendissimae S. Celsitudinis in Pontificalibus & Spiritualibus Vicarios Generales & Officium Praepositi fuerunt, Dominus Ewaldus Markius SS. Theologiae Licentiatum, Dominus Bernardus Matthiae SS. Theologiae Doctor, Conradus Burenus, Cathedralis Ecclesiae Pastor, & Canonicus ad S. Ioannem, Pater Ludovicus Crabbe, Prior Dominicanorum.

Subiunxit Secretarius in haec verba, Placentne Vobis?

Respondente Clero, placent.

Secretarius Synodi subiunxit, si qui novi ex admittis & approbatis sint, accedant, & solitum praestent iuramentum Examinatorum; quod & factum.

DECRETUM XI.

De Iudicibus Causarum Apostolicarum.

Cum etiam Conc. Trid. & statuta Metropolitanae constituant, nec non consuetudo huius Ecclesiae sit, ut etiam Iudices Causarum Apostolicarum in Synodi constituantur, qui juxta Tridentinum, Cathedralis Ecclesiae Canonici, aut alii in dignitate constituti esse debent. Hinc denuo sequentes publicamus & denominamus,

D. Ioannem à Leerad, Cathedralis Nostrae Ecclesiae Osnabrugensis, Praepositum.

D. Ioannem Wilhelmum à Winkelhausen, eiusdem Ecclesiae Decanum.

D. Ioannem Biscopinck, Curiae Nostrae Episcopalis Officium, Protonotarium Apostolicum, & Canonicum, ad S. Ioannem.

D. Rabanum Heisterman, Collegiatum Ecclesiae ad S. Ioannem Decanum.

Placentne Vobis?

Respondit Clerus, placent.

DECRETUM XII.

De Censore Librorum.

Censorem librorum volumus & denuo nominamus D. Ewaldum Markium, SS. Theologiae Licentiatum, Canonicum ad S. Ioannem, & Consiliarium Nostrum Consistoriale.

DECRETUM XIII.

De Penitentiario.

In Penitentiarium Episcopalem publicum in Nostra Cathedrali Osnabrugensi Ecclesia constitutum & deputatum, Patrem Ludovicum Crabbe, Priorem Dominicanorum.

Placentne Vobis?

Respondit Clerus, placet.

DECRETUM XIV.

De Syndico Cleri.

Cum prioribus, praesertim belli temporibus, varia ab Ecclesiis bona, abalienata sint; posterioribus etiam ob negligentiam Praetorum, Parochorum, aut quorumcumque beneficiarum, idem evenire posset: Hinc pro recuperandis bonis Ecclesiarum, & conservanda immunitate Ecclesiastica, Dominum Wennemarum ab Ascheberg, Osnaburgi ad S. Ioannem Canonicum, & Assessorem Nostrae Curiae Episcopalis, ad hoc specialiter deputamus,

putamus, ut si qui se læsos aut defraudatos sentiant, querelas ad eum deferant, & ab alienata pro posse recuperare, ipsius Consilio & auxilio, studeant.

DECRETVM XV.

Quandoquidem nonnulla beneficia diversis in locis Nostræ Diœcesis, & præsertim in territoriis Diœcesanæ Nostræ jurisdictioni subiectis, à Laicis & potentioribus supprimantur aut alienentur. Hinc D. Bernardum Matthiæ SS. Theologiæ Doctorem, Canonicum ad S. Ioannem, Consiliarium Nostrum Confistorialem, nec non Sigilliferum Nostrum, ad hoc constituimus ac denominamus; ut is singularem eorum curam habeat, & redditus ad usum debitum, & Nostram ordinationem accommodet.

DECRETVM XVI.

De Subsidio Charitativo.

Cum juxta sacrorum Canonum statuta, & antiquam consuetudinem hujus & aliarum Ecclesiarum, Cathedralium, Synodi tempore, & subsidium charitativum singulis legitimis Episcopis debeatur, nec non juxta Concilium Tridentinum, uterque Clerus ad Contributionem seminarii, teneatur, Nos, consideratis horum temporum incommodis, uti hætenus, ex singulari gratia id ipsum remittimus, jura tamen Nostra in meliora tempora reservantes.

DECRETVM XVII.

His finitis, cum instaret hora duodecima, accessit Secretarius Synodi ad Illustrissimum & petit, an placeat indici finem hujus primæ sessionis synodalis, & indictionem proximam.

Respondente Illustrissimo placet, certumque tempus pro secunda sessione determinante, Secretarius Synodi in suggestu indicit finem hujus sessionis, & continuationem proximam, in hæc verba.

DECRETVM XVIII.

De fine sessionis hujus Synodalis, & indictione proxima.

Illustrissima S. Celsitudo decernit Synodi hanc primam sessionem nunc finiendam; ac proinde mandat omnibus & singulis, ut cras hora septima sacro funebri solenni pro defunctis Episcopis, Prælati, Canonicis, aliisque de Clero Osnabrugensi, præsertim, qui à proxima Synodo obierunt in Cathedrali, habendo interfint, prius tamen qui legitime impediti non sunt, in Cathedrali, vel alius Ecclesiis, tempestive pro iisdem celebrent.

Mandat præterea, ne quisquam à loco hoc discedat, priusquam ipsamet S. Illustrissima Celsitudo hinc abierit, nec vero raptim, turbulenterve, sed gravi ac decoro incessu id faciant; vult insuper Illustrissima S. Celsitudo, ut hodie post prandium, ad secundam pomeridianam, omnes per Decanatus instituant scrutinium in hoc loco Synodali, & qui vocabuntur pro examine, vel alias, habebunt proponenda coram sua Illustrissima Celsitudine debite compareant.

Post hæc Promotores Synodi insiterunt accersito Notario contra contumaciam absentium, & requisitus Notarius Synodi pro conscribendis Instrumentis de iis, quæ in hac sessione synodali, peracta fuerunt. Orationes item habuit mentales, ut in quinta Synodo. Data etiam benedictio, manu tantum ab Illustrissima ac Reverendissima S. Celsitudine nihil dicendo, prout in Pontificali Romano. Reliqua omnia, ut in Synodo quinta, fol. 303. usque ad secundam sessionem excusare, peracta fuerant.

Omnibus in prima sessione peractis, dum Illustrissimus à loco synodali exiret, prius, omnes, & singulos quibus placuerit, ad prandium in Residencia sua, per Magistrum Cœremoniarum; præsertim qui longius hinc distabant, ad evitandos ipsorum sumptus ex speciali gratia invitari fecit, comparuerunt plerique omnes, & in eodem loco in distinctis mensis pro qualitate personarum, honorificè ac decenter, tractati fuerunt.

In loco refectionis, lectione mense habita per Capellanum Illustrissimi ex concionibus priorum Synodorum, nonnulla etiam ex libello Truemicii, de quo supra, subjuncta fuerunt.

Post mensam, peractis DE O gratiis, substituit nonnihil in loco prandii, Illustrissimus ac Reverendissimus Princeps, & singuli, audientiam habere cupientes, ad eandem admissi fuerunt: Hora I. datum signum ad Vesperas.

Ad medium horæ secundæ magna Campana Clerus Pastorum per Capitula sex Decanatus pro examine & scrutinio inter singulos Decanatus faciendo, ad locum synodalem convocatus, comparuit.

Hora secunda, Illustrissima S. Celsitudo Rochetto, Cruce passerati, Mozetta & Biveto rubro induta, ad locum Synodalem subsecuta fuit, ut primum eisdem ingressa est, ad privatum & specialiter ad id preparatum cubiculum, perrexit, & diversa Cleri gravamina à singulis, audientiam petentibus, una cum Consiliariis suis Ecclesiasticis, percepit, multaque privatorum correxit, & in melius ordinavit.

Interim in loco synodali contiguo scrutinium; & quid per Decanatus peractum, relatio per singulos Decanos, una cum Camerariis Illustrissimæ S. Celsitudini facta, usque ad septimam noctis.